

Health Care Conference Aruba

Figuranan prominente den maneho y dunamento di cuida medico



ORANJESTAD – Manera a duna di conoce, e Health Care Conference Aruba tin entre su obhetivo pa trece sectornan ehecutivo, medico y politico di salubridad publico hunto pa papia riba e retonan y yega na posibel solucionnan.

Pa hiba un discusion productivo HCCA a invita un grupo di expertonan den e tereno cu ta bay duna nan perspectiva riba un serie di tema, cual tur ta relacion cu e situacion na Aruba y otro miembronan di Reino.

Esaki ta e figuranan renombrada den nos region y rond mundo cu ta riba nos isla e siman aki pa comparti nan experticio.

Shiyan Chao

Shiyan Chao actualmente ta un consehero di Banco Mundial. E tin experiencia den e areanan di maneho, financiamiento, desaroyo di sistema, control di HIV/AIDS.

Banda di su interes principal den economia di salud, tambe el a traha riba monitor y control, incluyendo evaluacion comparativo y di impacto.

Tambe ta un profesor di Salud Internacional na George Washington University su School of Public Health y mas recientemente na Georgetown University. Su publicacionnan ta trata temanan manera alocacion di recursonan domestico, gasto publico, reforma di sector di salud y e impacto economico di malesanan.

Theo Poesz

Theo Poesz tin diferente sombre riba su cabes. Na



Hulanda e ta profesor di Psicologia Economico na Tias Business School of Tilburg University y ActiZ profesor di Mercado di Cuido Medico y Director Cientifico di e Consejo di Salud di Brabant. Durante su carera, e ta un orador invita na varios Universidad Hulandes e internacional.

Su interesnan ta amplio y ta inclui strategia di mercado, mercado di futuro, psicologia y maneho di comportacion ("Triad model"). E ta un consehero, ta duna lectura y tin varios pub-

licacion den diferente segmento di cuida medico.

Philip Idenburg

Philip J. Idenburg ta un autor riba e futuro di cuida medico y ta sigui tendencia di cerca. El a inicia e programa Diagnosis cu ta un red di colaboracion di capacitacion y innovacion cu ta facilita e dialogo riba futuro di cuida medico.

E programa ta traduci esaki den un agenda di innovacion riba e retonan di e sector manera malesanan cardiovasculares, cancer, COPD, diabe-

tes y Alzheimer. Den ultimo cinco aña miles di profesional di cuida medico na Hulanda, pashent, compania di seguro, entre otro, a participa den e programa aki pa busca e solucionnan pa aumento di costo di cuida medico. Regularmente e ta un orador na universidadnan y ta un socio di BeBright: Accelerating Health care cu ta un compania di conseho cu ta yuda clientenan cu strategia, innovacion y maneho. Tambe e ta president di Kanker.NL.

Dr. Ana Viamonte Ros
Dr. Ana M. Viamonte Ros

ta e Director di Desaroyo di Personal Medico pa Baptist Health International.

Dr. Viamonte tabata e prome Ciruhano General di estado di Florida y e prome hende muhe y Cubano cu a fungi como Hefe di e Departamento di Salud di Florida entre 2007 y 2011. Actualmente e ta Decano pa Hende Muhe den Medicina y Ciencia y Profesor Asocia na e Departamento di Salud na e Herbert Wertheim College of Medicine na Florida International University.

Dr. Joycelyn Elders

E di 15 Ciruhano General y e prome hende muhe Afroamericano pa asumi e posicion ey. Actualmente e ta un Profesor distingui di Salud Publico na e University of Arkansas School of Public Health y na e Clinton School of Public Policy.

Stanley Lalta

Stanley Lalta ta un economista di salud cu mas di 20 aña di experiencia den duna les, entrena, conseha y dirigi investigacion pa polisa di operacion den asuntonan di salud den Caribe. Su interesnan special ta financiamiento di salud, reforma y polisa y economia farmaceutico. Actualmente ta forma parti di e HEU/Centre for Health Economics, University of the West Indies na Trinidad and Tobago.

Dr. Mal Hi Cho

E actual Consehero den Sistema y Servicio di Salud pa PAHO/WHO pa Venezuela, Aruba, Curaçao, Sint Maarten y e Caribe Hulandes tabata Consehero pa Guyana y Consehero den Calidad di Cuido y Siguridad di Pashent na WDC. Dr. Cho tambe a coordina e Programa Regional di Transporte di Celula, Organo y Tehido na PAHO na Washington, DC. Dr. Cho a uni na PAHO/WHO na februari 2005 como Consehero den Programa di Siguridad di Sanger na Haiti.

E prome Aruba Health Care Conference ta tuma luga entre 1 y 4 di juni na Renaissance Convention Center cu un participacion grandi. Inscripcion a cera siman pasa na su capacidad cu 250 participante di Aruba y exterior. □